

Uunga siunnersuut: Inissianik aningaasalersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq
(Inissialiortiternermut tapiissutitalimmik illulianik iluarsaassinermut, pitsanngorsaanermut alliliinermullu taarsigassarsititsisarneq tapiissuteqartarnerlu)
(Ineqarnermut Attaveqaatigiinnermullu Naalakkersuisoq)

Saqqummiussinermut allakkiaq
(Ineqarnermut Attaveqaatigiinnermullu Naalakkersuisoq)

Siullermeerneqarnera

Naalakkersuisut sinnerlugit matumuuna inissianik aningaasalersuisarneq pillugu Inatsisartut inatsisaata allanngortinneqarnissaa pillugu Inatsisartut inatsisissaannut siunnersuut maanna saqqummiuppara.

Allannguutissatut siunnersuut tapersiissutitalimmik inissialiortiternermut taarsigassarsititsisarneq pillugu Inatsisartut inatsisissaattut siunnersuummut, aamma ukiami ataatsimiinnermi saqqummiunneqartussamut, ataqatigiissillugu isigineqassaaq.

Atuuffissaata allanngortinnerata kingunerissavaa inissianik aningaasalersuisarneq pillugu Inatsisartut inatsisaat malillugu aamma iluarsaassinissamut alliliinissamut pitsanngorsaanermullu tapiissuteqartoqarsinnaanissaa. Taamaattorli inissianut tapersiissutitalimmik taarsigassarsiaqarfioreersunut, taarsigassarsititsinissamut periarfissanut tunngatillugu allanngortitsisoqanngilaq.

Inissianut tapersiissutitalimmik taarsigassarsiaqarfiusuni aamma maannakkut piginnittuusut taarsigassarsisoralugitinissianut tapersiissutitalimmik taarsigassarsiaqarfiusimasunut tapiissuteqarnissaaq pillugu aalajangersakkanik nutaanik ilanngussisoqarpoq. Aalajangersakkat taakkua Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi paragraffinit 45-46-mit, suliaassap kommuninut nuutsinneqarnerata malitsigisaanik aqqiussuinikkut allannguuteqartillugit, assilisaapput.

Aalajangersakkamik nutaamik ilanngussisoqarpoq, taanna malillugu inissiat sumiiffinni nalinginnaasumik aningaaserivimmi imaluunniit realkredit-imi inissiamik qularnaveeqqusilluni taarsigassarsiviusinnaasumiittut inissiap iluarsaannissaannut tapiiffigineqarsinnaassanatik. Aalajangersakkani Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat

nr. 11, 19. november 2007-imeersumi § 46-imut nassuiaatit aallaavigalugit maannamut suleriaaseq ingerlateqqinneqarpoq.

Inissianut tapersiissutitalimmik taarsigassarsititsisarneq pillugu Inatsisartut inatsisissaattut siunnersuuteqarnermi, Namminersorlutik Oqartussat inissianut tapersiissutitalimmik taarsigassarsiaqarfiusunut aamma inissianut maanna piginnittuusut taarsigassarsisoralugit inissianut tapersiissutitalimmik taarsigassarsiaqarfiusuni, iluarsaassinissamut alliliinissamut pitsanngorsaanermullu (iluarsaassinermut tapiissutit) tapiissuteqartarnermut inatsisitigut tunngavissat peerneqassapput.

Inissianik aningaasalersuisarnermut Inatsisartut inatsisaata allanngortinneqarnissaanik siunnersuut manna aqcutigalugu suliassaq inatsisitigullu tunngaviusut kommunit nuunneqassapput.

Kommunit 1. januaari 2020 aallarnerfigalugu inissianut tapersiissutitalimmik taarsigassarsiaqarfiusunut aamma inissianut maanna piginnittuusut taarsigassarsisoralugit inissianut tapersiissutitalimmik taarsigassarsiaqarfiusunut tapiissuteqarsinnaalissapput.

Taamatut oqaaseqarlunga Naalakkersuisut sinnerlugit immikkoortoq Inatsisartuni suliassanngortippara.